


ARABAKO BATZAR NAGUSIAK. *Faxistek agindu, morroiek bete* zioen kamiseta erakutsi zuen Uribarrik

Batasuneko biltzarkidea kanporatu egin dute, elastiko bat erakusteagatik



Arabako Biltzar Nagusietako osoko bilkura bertan behera utzi zuen atzo Xesqui Castañer presidenteak, Iñaki Uribarri Batasuneko biltzarkideak Ertzaintzarak Bilboko manifestazioan izandako jarrera kritikatzeko zioen kamiseta erakutsi ostean. Uribarrik *Faxistek agindu, morroiek bete* zioen elastikoa erakutsi zuen, eta presidenteak kentzeko agindu zion, hirutan. Baina, biltzarkideak kentzeari uko egin zion, eta bilkuratik kanporatu zuen presidenteak. Uribarrik kanpoan salatu zuenez, «21.000 arabar legez kanpo uztearen arazoa konpondu arte, ezingo dugu normaltasunez lan egin».

ALKARTASUN EGUNA. Ehunka lagun bildu zen Altsasun igandean egin ospakizunean

Autodeterminazioa jasoko lukeen Estatutua proposatu du Erraztik

Maiatzaren 13an egindako apustua betetzeko tenorea dela adierazi du EAko presidentek

Erredakzioa | IRUÑEA

Alkartasun Eguna baliatuz, autodeterminazio adierazpena aldarrikatzea proposatu zuen Begoña Errazti EAko lehendakariak igandean Altsasun. Aipatu eskubidea biltzen duen beste Estatutu bat eskatu zuen.

Ehunka jarraitzaileen aurrean autodeterminazioa aldarrikatu zuen Erraztik Altsasuko Burunda frontoian. Helburu hori lortzeko lehen pausoa autodeterminazio eskubidea hitzez hitz jasotzen den beste estatutu bat egitea litzatzeke. Hori lortu ezean, Espainiak eragozten duena erakusteko nazioartera jo-ko dutela iragarri zuen. «Geurea da eta hartu egin behar dugu. Aldarrikatu egin behar dugu. Europara joan gara nazioarteari esatera espainiarrek ukatu egiten diotela eskubide hori herri bati», azpimarratu zuen.

EAko lehendakariak iragan maiatzaren 13ko hauteskunde- en ondotik autodeterminazioaren alde egin apustua betetzeko tenorea dela esan zuen. «Orain



RAUL BOGAJO / ARGAZKI PRESS

Altsasuko Burunda frontoian ospatu zuen alderdiaren eguna Eusko Alkartasunak, herenegun.

da garaia autodeterminazio eraginkorraren alde egiteko», eskatu zuen. Madrilgo gobernuaren «mehatzuek» ez dutela izutzen esan zuen.

PP eta PSOeri ETaren bortizkeriak eragin «sufimendua baliatzea» leporatu zion. Batasunaren jarduna ere kritikatu zuen. Erraztiren ustez «PPren gobernuak ezarri enfrentamenduaren tranpan erori dira». PSE-EEko Huertasek EAK biktimen alde antolatu ekitaldiak «antzerkia» direla erantzun zion atzo ohar baten bidez.

Galdeketa atxilotuek torturak jasaten dituztela salatu du Joseba Urrosolo Sistiagak

Auzitegi Nazionaleko Zigor Arloko Bigarren Atalak Joseba Urrosolo Sistiaga presoaren aurkako epaiketa epaiaren zain utzi du. 1992. urtean Bartzelonan hildako bi sargentuen aurkako atentatua egitea leporatzen diote Urrosolori, eta Ekaitz komando-ko Fernando Diez Torreren adierazpenetan oinarritzen dira horretarako. Urrosoloren ustez ordea, adierazpen horiek ez dute baliorik, galdeketa egindako torturen ondoren lortuak direlako. Espainian atxilotuak torturatu egiten direla salatu du Urrosolok, eta bere aurkako salaketak ez duela baliorik. Iragan asteko Frantziako atxilotetak ere aipatu ditu, eta Juan Antonio eta Ainhoa Mujikaren galdeketa emaitza eza azpimarratu du, «Polizia frantziarrak badakielako ez dutela inolako adierazpenik egingo».

Alderdien Legearekin askatasuna, demokrazia eta eskubide politikoak urratzen direla dio CGT sindikatuak

Lanaren Konfederakuntza Orokorra (CGT) sindikatuak jakitera eman duenez, Alderdien Legeak eta Baltasar Garzon epailearen autoak bideratutako Batasunaren legez kanporatzea askatasunaren, eskubide politikoaren eta demokraziaren aurkako atentatua da. Sindikatuaren ustez Batasunaren ilegalizazioak ez du Euskal Herriko arazo luzea konponduko, eta Espainiako Gobernuak hartutako erabakiek gatazka egoera indartu besterik ez dutela egiten kritikatu du. Hori dela eta, Euskal Herriko arazoa konpontzen lagunduko duen elkarriketa eta negoziatio prozesu baten sorrera eskatu du.

Beasaingo Udala

IRAGARKIA

2002ko irailaren 23ko Alkatetzako Ebazpenaren bidez, hasierako onespina eman zaio, Beasaingo 18 HAKO PUR 1/2 lursailari buruzko Xehetasun Azterlanari.

Horren ondorioz, espedientea hamabost eguneko epean jendaurrean jarri da, Gipuzkoako Aldizkari Ofizialean, "El Diario Vasco"n eta "Euskaldunon Egunkaria"n iragarkiak argitaratuz. Epe horretan alegazioak aurkeztu daitezke.

Beasainen 2002ko irailaren 23an. Alkatea. Jon Jauregi Bereziartua.

Hernaniko Udala

IRAGARKIA

Hernaniko Hirigintza Planeamenduko Arau Subsidiarioetako Landa-Eremu batean eta SU-15.1, SU-15.2, SU-15.7, SU-15.8, SU-16.1 eta SU-16.6 areatan elementuen aldaketari hasierako onarpena eman zaiolarik, jendaurrean erakusgai jartzen da hilabete batez, GAO n argitaratzen denetik kontatzen hasita.

Hernani, 2002ko irailaren 17a. ALKATEA.

Hernaniko Udala

IRAGARKIA

Epeleko Etxeberri eremuan (Epelan) zerbitzu-erabileretarako (ostalaritzarako) gunea sortzearen Hernaniko Hirigintza Planeamenduko Arau Subsidiarioetako elementuen aldaketari hasierako onarpena eman zaiolarik, jendaurrean erakusgai jartzen da hilabete batez, GAO n argitaratzen denetik kontatzen hasita.

Hernani, 2002ko irailaren 17a. ALKATEA.